



Inatsisartunut ilaasortaq  
Justus Hansen  
Demokraatit  
Maani/

## **Piginneqatigiilluni inissianik tunniussisarneq pillugu § 37 naapertorlugu apeqquteqaammut 2026-067-imut akissut**

Ulloq: 15-05-2026  
Suliap nr.: 2026 - 8329  
ID. nr.: 81210572

Asasara Justus Hansen,

Inatsisartut suleriaasianni § 37 naapertorlugu piginneqatigiilluni inissianik tunniussisarneq pillugu Naalakkersuisunut apeqquteqaateqarputit. Apeqqutit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: [box909@nanoq.gl](mailto:box909@nanoq.gl)  
[www.naalakkersuisut.gl](http://www.naalakkersuisut.gl)

### **Apeqqut 1: Illunut piginneqatigiit pigisaannik tunineqarnissamut inatsisit suut pingaarnertut atuuppat?**

Akissut: Piginneqatigiilluni inissianik tunniussisarneq pillugu maleruagassat piginneqatigiilluni inissiat pillugit Inatsisartut inatsisaanni kiisalu piginneqatigiilluni inissiatillit peqatigiiffiitut malittarisassat nalinginnaasut pillugit Namminersorlutik Oqartussat nalunaarutaanni nr. 8, 5. juli 2019-imeersumi tassunga atasoq ilanngussaq 1 ilanngullugu, aalajangersarneqarput.

Inatsimmi § 53-imi aalajangersarneqarpoq, piginneqatigiilluni inissiatillit peqatigiiffianni oqartussaasuni qullersaasut tassaasut ataatsimeersuartut kiisalu malittarisassat nalinginnaasut pisussaaffiliisut pillugit maleruagassanik Naalakkersuisut aalajangersaasinnaasut.

Piginneqatigiilluni inissiatillit peqatigiiffianni siulersuisut ulluinnarni aqutsineq akisussaaffigaat aammalu piginneqataassutip atuisinnaatitaaffimmik ilaqartup tunineqarnissaa imaluunniit allatut tunniunnissaa pillugu isumaqatigiissuteqarnissamut kisermaassillutik aalajangiisinnaatitaallutik, takuuk inatsimmi §66.

Piginneqatigiilluni inissiatillit peqatigiiffiata peqatigiiffimmut malittarisassat suliarisussaavai, taannalu ilaatigut piginneqataassutinik tuniniaaneq tunniussisarnerlu pillugit aalajangersakkanik imaqarsinnaavoq. Malittarisassat nalinginnaasut, Naalakkersuisunit suliarineqartut, malittarisassat minnerpaaffissaattut iluseqarput, piginneqatigiilluni inissiatillit peqatigiiffiini ataasiakkaani malittarisassat ilusilersugaanerit apeqqaatanani atuullutik.

Siulersuisut piginneqataassutip atuisinnaatitaaffimmik ilaqartup tunineqarnissaa imaluunniit allatut tunniunneqarnissaa pillugu isumaqatigiissuteqarnissamut kisermaassillutik aalajangiisinnaatitaanerit qanoq ingerlanneqarsinnaanersoq, malittarisassani nalinginnaasuni § 14-imi erseqqinnerusumik nassuiarneqarpoq.

**Apeqquut 2: Illunut piginneqatigiit pigisaannik tunineqarnissamut utaqqisunut allattorsimaffiit atornissaannut suut piumasaqaataappat?**

Akissut: Piginneqatigiilluni inissiatillit peqatigiiffianni siulersuisut piginneqataassutip atuisinnaatitaaffimmik ilaqartup tunineqarnissaa imaluunniit allatut tunniunnissaa pillugu isumaqatigiissuteqarnissamut kisermaassillutik aalajangiisinnaatitaapput, takuuk piginneqatigiilluni inissianut inatsimmi § 66. Tamanna Malittarisassani nalinginnaasuni § 14-imi issuarneqarpoq, tassani taamatuttaaq allassimalluni pisut assigiinngitsut arlallit tunngavigalugit siulersuisut piginneqataassutinik tunniussisinnaasut tunisisinnaasullu:

- piginneqataasup toqunerani, utoqqaat illuannut assigisaannulluunniit nuunnerani kiisalu inooqatigiikkunnaarnermi ilaqtutanut,
- piginneqatigiilluni inissiatillit peqatigiiffianni piginneqataasumut allamut,
- inunnut siulersuisut siulittaasuanni allattuiffimmi allatsissimasunut. Allattuiffimmi suilliulluni allatsissimasooq allanit salliutinneqassaaq,
- inunnut siulersuisunit innersuunneqartunut,
- inunnut tunniussisumit inassutigineqartunut.

Siulersuisut maleruagassat atuuttut malillugit utaqqisunut allattuiffeqarnissamut pisussaaffeqanngillat. Utqqisunut allattuiffeqarsimappat, taanna nalinginnaasumik malittarisassani § 14, imm. 2, nr. 4-mut naapertuuttumik aqunneqassaaq. Tamatuma atuunnerani utaqqisunut allattuiffimmi tulleriinneri malillugit tunniussineq pissaaq, allatsissimasut ukiumut ataasiarlutik suli utaqqisunut allattuiffimmiinnissaaq kissaatigalugu uppersartassavaat, aammalu ukiumut ataasiarluni utaqqisunut allattuiffimmiinnermut akiliut naleqquttoq akilersinneqartarsinnaavoq.

**Apeqquut 3: Illunut piginneqatigiit pigisaannik peqatigiiffiit qanoq uppersartassavaat, utaqqisunut allattorsimaffiit eqqortumik suliarineqarnersut?**

Akissut: Immikkut uppersartaanissamut piumasaqaammik piginneqatigiilluni inissiat pillugit Inatsisartut inatsisaanni imaluunniit nalunaarummi aalajangersaasoqarsimangilaq.

Kisianni piginneqatigiilluni inissiatillit peqatigiiffiat utaqqisunut allattuiffeqarpat, allatsinnermut, tulleriinnilersuinnermut, ataasiakkaatigut allattuiffiup atorneqarneranut peqatigiiffiup ilumini aqutsineranut ilaatillugu aammalu utaqqisunut allattuiffeqarnersooq pillugu siulersuisut nassuiaasinnaangorlugit, ulluinnarni aqutsineq aqqissuunneqassaaq.

**Apeqquut 4: Illunut piginneqatigiit pigisaannut tunineqarnissamut aqutsinerat qanoq nakkutigineqarpa?**

Akissut: Piginneqatigiilluni inissiatillit peqatigiiffiisa ingerlanneqarnerannut pisortat nakkutilliinissaat pillugu aalajangersakkanik piginneqatigiilluni inissiat pillugit Inatsisartut inatsisaanni imaluunniit nalunaarummi aalajangersaasoqarsimangilaq, ilanngullugit utaqqisunut allattuiffinnik aqutsinnermut aammalu tunniussisarnermut.

Piginneqataassutinik tunniussisarnermut ataasiakkaatigut aqutsineq piginneqatigiilluni inissiatillit peqatigiiffiata ataniippoq.

**Apeqquut 5: Kikkut oqartussat nakkutiginninnermut, malittarisassanut aammalu malittarisassat atuuttut malinneqarnermut akisussaaffigaat?**

Akissut: Piginneqatigiilluni inissiatillit peqatigiiffiisa ingerlanneqarnerannik pisortat nakkutiginninnissaat pillugu aalajangersakkanik piginneqatigiilluni inissiat pillugit Inatsisartut inatsisaanni imaluunniit nalunaarummi aalajangersaasoqarsimangilaq, ilanngullugit nammineq malittarisassat aammalu maleruagassat allatigut atuuttut malinneqarnerannik.

Malittarisassat, malittarisassat nalinginnaasut aammalu peqatigiiffiup ilumini malittarisassai malinneqarnermut nakkutiginninnissaq, piginneqatigiilluni inissiatillit peqatigiiffiata ilumini susassaqarfigai.

**Apeqquut 6: Illunut piginneqatigiit pigisaannik tunineqarnissamut isummernermut innuttaasut misiliinissamut suut periarfissaraat?**

Akissut: Piginneqatigiilluni inissiatillit peqatigiiffiisa ingerlatsinerannut naammagittaalliortarfik assigisaaluunniit pillugu aalajangersakkanik piginneqatigiilluni inissiat pillugit Inatsisartut inatsisaanni imaluunniit nalunaarummi aalajangersaasoqarsimangilaq, ilanngullugit peqatigiiffiup piginneqatigiilluni inissianik inueruttunik tunniussisarnera.

Piginneqatigiilluni inissiamik tunniussinissaq imaluunniit allamut tunniussinissaq pillugu piginneqatigiilluni inissiatillit peqatigiiffianni aalajangiinerup misilinneqarnissaa kissaatigineqarpat, tamanna peqatigiiffiup siulersuisuinut saaffiginninnikkut pisinnaavoq.

**Apeqquut 7: Illunut piginneqatigiit pigisaannut peqatigiiffinnik maalaaruteqarnissamik kissaateqartunut, arlaannaannilluunniit attuumassuteqanngitsunik maalaartarfeqarpa?**

Akissut: Inuit piginneqatigiilluni inissiatillit peqatigiiffianni pissutsinik naammagittaalliuuteqarusuttut naammagittaalliortarfiat arlaannaannilluunniit attuumassuteqanngitsoq pillugu aalajangersakkanik piginneqatigiilluni inissiat pillugit Inatsisartut inatsisaanni imaluunniit nalunaarummi aalajangersaasoqarsimangilaq.

Taamaattumik suliassaqarfimmi aaqqiagiinngissutaasut aallaaviatigut piginneqatigiilluni inissiatillit peqatigiiffiata iluani iliuuseqarfigineqartariaqarput. Aammattaaq eqqartuussivinni suliassamik suliaqqiissuteqartoqarsinnaavoq.

**Apeqquut 8: Naalackersuisut sunik eqqarsaatersuuteqarpat illunut piginneqatigiit pigisaannut tunineqarnissamut ersarissaataasinnaasunik?**

Akissut: Piginneqatigiilluni inissianik tunniussisarneq pillugu aalajangersakkat atuuttut allangortinnissaannik Naalackersuisut maannakkut pilersaaruteqanngillat, ilanngullugu piginneqatigiilluni inissiatillit peqatigiiffiisa ammasumik piginneqatigiilluni inissianik inoqanngitsunik tunniussisarnerinut tunngasoq. Piginneqatigiilluni inissiatillit peqatigiiffinik nakkutiginninnerulerneq, allaffissornikkut isumalluutinik atuinerulernermik, malitseqartussaavoq.

**Apeqquut 9: Naalakkersuisut sunik eqqarsaatersuuteqarpat utaqqisunut allattorsimaffiit eqqortumik ingerlanneqarnersut, nakkutiginerulernissaannut?**

Akissut: Piginneqatigiilluni inissiatillit peqatigiiffianni utaqqisunut allattuiffiit pillugit aalajangersakkat atuuttut allangortinnissaannik Naalakkersuisut maannakkut pilersaaruteqanngillat.

Siusinnerusukkut paasissutissiissutigineqartut, tamanna piginneqatigiilluni inissiatillit peqatigiiffiisa ataasiakkaat susassaqarfigaat.

**Apeqquut 10: Naalakkersuisut oqaluuserisamut soqutiginaatilinnik allanik paasissutissiisinnaanerlutik?**

Akissut: Naalakkersuisut allanik paasissutissiissutissaqanngillat.

Neriuppunga qulaani allaqqasuni apeqquuteqaatitit akineqartut.

Inussiarnersumik inuulluaqqusillunga

*Iddimannitu Jensen Bianco*  
Iddimannitu Jensen Bianco